



Posbus 7113, Newtonpark, 6055  
Telefoon (041) 3651233  
Faks (041) 3652586  
h/v Willetstraat en 4de Laan, Newtonpark, 6045

*Uitnemendheid begin by omgee*

## NUUSBRIEF 4

**7 Februarie 2020**

### UIT DIE KANTOOR

Geagte Ouers

#### **KLEREDRAG**

Baie dankie dat elke ouer toesien dat Laerskool Newtonpark se leerlinge altyd korrek aangetrek is en klere en hare volgens die skoolreëls is. Indien u oor iets sou twyfel, lees asb. die voorskrifte in die *Huiswerkboek 2020*.

#### **SKOOLTYE**

Dit is met kommer dat ons oplet hoeveel leerlinge laat by die skool opdaag. Ons bevestig net dat die skool om 07:45 begin en versoek u vriendelik om u kind betyds vir skool af te laai. Ons is bewus daarvan dat die kragonderbrekings 'n invloed het op die verkeer soggens, daarom sal ons dit waardeer as u dit in ag neem. **Kinders wat in die toekoms gereeld laat is, sal negatiewe inskrywings op hul kommunikasiekaarte kry.**

#### **BEHEERLIGGAAMVERKIESING**

Tydens die vergadering van 30 Januarie 2020 was daar nie 'n kworum nie en kon die verkiesing nie plaasvind nie. U het verlede Vrydag 'n kennisgewing van die beheerliggaamverkiesing wat op Donderdag, 13 Februarie 2020, om 17:30 in die skoolsaal plaasvind, ontvang. Nominasievorm is by die kantoor beskikbaar. Vooraf nominasies sluit Woensdag 12 Februarie 2020 om 17:30.

Ons wil alle ouers aanmoedig om die verkiesing van 13 Februarie 2020 om 17:30 in die skoolsaal by te woon. **U moet asb. u ID-dokument/rybewys tydens die aand van die verkiesing saambring.**

#### **FOTO'S: WOENSDAG, 12 FEBRUARIE 2020**

Enkel- en klasfoto's word op bogenoemde datum geneem.

Die leerlinge moet boeke soos vir 'n gewone skooldag bring. Ons wil u versoek om ons te help sodat u kind korrek vir die dag geklee is. Slegs leerlinge wie korrek geklee is, sal afgeneem word. Ons vertrou u sal meehelp om 'n teleurstelling te voorkom.

Graad R: volledige somerspeeluniform met wit tekkies (geen ander skoeisel nie, asb.).

Graad 1 – 7: seuns en dogters moet hul volledige somersdrag aanhê (**baadjie asb.**).

Die korrespondensie van die foto's is reeds op Donderdag, 30 Januarie 2020 aan elke kind gegee.

## **SNOEPIE-HULP**

Die snoepie maak staat op ouerhulp wat dringend benodig word. Persone beskikbaar kan Christa Slabbert by 076 6873 699 skakel.

## **AFRIGTING VAN SPORTSOORTE**

Ons wil 'n versoek rig aan enige ouer(s) wat kan help met hoogspringafrigting, of 'n betroubare persoon kan aanbeveel om ons so spoedig moontlik by die kantoor te kontak. U hulp in dié verband word opreg waardeer.

## **VALENTYNS-TENNISAAND**

Op Vrydag, 14 Februarie, wil ons al die sportiewe, "liefdespaartjies" en hul kinders uitnooi na 'n valentyns-tennisaand wat om 18:00 onder ligte by die sportveld gehou word. Soos met elke tennisaand, sal kos en koeldrank te koop wees. Daar is ook 'n paar verrassingspryse op die spel. Kleredrag vir die aand: Rooi en wit.  
Inskrywingsfooi: R30 per paar

## **SKOOLKOMMUNIKEERDER**

Ons herinner u dat hierdie elektroniese program **ons hoof medium van kommunikasie met u is.**

Hierdie program verskyn elke oggend op u skerm en u kan dan sien watter boodskappe uitgestuur is en ook wat op die kalender gaan plaasvind. Die program sal ook gebruik word om dringende boodskappe aan u te stuur. In so 'n geval verskyn daar onmiddellik 'n kennisgewing op u skerm. Die program kan bestuur word sodat u slegs inligting ontvang wat op u van toepassing is.

## **HOE OM U "SCHOOL COMMUNICATOR" TE INSTALLEER:**

Laai die School Communicator af in 7 eenvoudige stappe:

### **STAP 1**

Gaan na [www.school-communicator.com/downloads](http://www.school-communicator.com/downloads) en kies die skool waarby u betrokke is.

### **STAP 2**

Kies u bedryfstelsel. (Mac of Windows)

### **STAP 3**

Kies die "Save" opsie om die lêer op u rekenaar te stoor.

### **STAP 4**

Sodra die lêer klaar afgelaai het, klik "Run" in die opwipkieslys

OF

Klik twee keer op die skoolwapen om die program te aktiveer.

### **STAP 5**

Sodra u dit gedoen het, sal die "Setup wizard" op u rekenarskerm verskyn. Klik op "Next".

### **STAP 6**

Bevestig dat u die bepalinge en voorwaardes aanvaar deur die klein boksie te selekteer en klik weer op "Next".

### **STAP 7**

Om die installasieproses te voltooi, klik op "Finish".

Die "School Communicator" sal nou verskyn.

## **LAERSKOOL NEWTONPARK FACEBOOKBLAD**

Besoek gerus ons skool se amptelike facebookblad, @LaerskoolNewtonpark.co.za, die blad se profielfoto is die skoolwapen. Dis lekker om na foto's te kyk en met ons leerlinge te spog. Bly ook op hoogte met die nuutste gebeure.

## SKOOLGELDE 2020

Soos reeds aan u deurgegee, beloop die skoolgeld vir die jaar soos volg:

<b>SKOOLGELDE: GRAAD 1 – 7</b>				
	<b>PER JAAR</b>	<b>10 MNDE</b>	<b>11 MNDE</b>	
Eerste kind	R14 700	R 1 470	R 1 337	
Tweede kind	R13 400	R 1 340	R 1 219	
Derde kind	R 9 300	R 930	R 846	
<b>GRAAD R: MAANDELIKS VOORUITBETAALBAAR</b>				
Graad R (Maandeliks vooruit)	R14 700	R 1 470	R 1 337	
<b>NASORG: VRYWILLIGE PROGRAM: – KWARTAALLIKS VOORUIT BETAALBAAR</b>				
	<b>PER JAAR</b>	<b>PER KWARTAAL</b>	<b>MUSIEK: MAANDELIKS VOORUITBETAALBAAR</b>	
			<b>PERIODE(S) P/W</b>	<b>PER MAAND (10 MNDE)</b>
13:00/13:30 – 14:00	R 4 860	R 1 215		
14:00 – 17:30	R 7 160	R 1 790	1	R 190
13:00/13:30 – 17:30	R 8 360	R 2 090	2	R 295
			3	R 430

Op die verwysing van die inbetaling moet u asseblief die rekeningnommer en u kind se van en naam verskaf, en u bewys van betaling aan [fin@lnpark.co.za](mailto:fin@lnpark.co.za) e-pos.

Die volgende wyses van betaling is beskikbaar: maandelikse debietorder oor 10 of 11 maande. (Januarie/Februarie – November en is opbetaalbaar voor/op 30 November 2020. 'n Debietorder kan slegs op 'n tjek-/spaar-/transmissie rekening ingestel word.) Indien u kontant wil betaal kan u by Mev. Laas of direk in ons bankrekening betaal.

**Alle graad R-gelde is maandeliks vooruitbetaalbaar; en nasorggelde is kwartaalliks streng vooruitbetaalbaar.** Geen verligting word ten opsigte van hierdie dienste toegestaan nie, aangesien hierdie aktiwiteite deel van die skool se vrywillige program is.

Die betaling van skoolgelde is 'n wetlike verpligting (Staatskoerant no. 29311). Indien u in gebreke bly om u skoolgelde te betaal, sal dit wetlik afgedwing word.

## KRY KORTING OP SKOOLGELDE

Indien skoolgelde (graad R – 7) ten volle betaal word voor/op 29 Februarie 2020 sal 'n 10% korting toegestaan word, en indien ten volle betaal word voor/op 31 Mei 2020 'n 5% korting.

## AANSOEK OM VERLIGTING VAN SKOOLGELDE

Indien u om verligting van skoolgelde wil aansoek doen, moet u die nodige vorms by Mev. Laas afhaal en **voor of op 29 Februarie 2020**, vir oorweging deur die beheerliggaam, by haar inhandig. Die vorm móét van die nodige dokumentasie (o.a. bewys van inkomste) vergesel wees.

**Geen vrystellings wat in 2019 toegestaan is, word na 2020 oorgedra nie.**

## ELEKTRONIESE BETALINGS

REKENINGNAAM	LAERSKOOL NEWTONPARK
BANK	ABSA
REKENINGNOMMER	1400490089
TAKKODE	632005

Op die verwysing van die inbetaling moet u asseblief die rekeningnommer en/of u kind se van en naam en verskaf. 'n Bewys van betaling moet per e-pos na [fin@lnpark.co.za](mailto:fin@lnpark.co.za) gestuur word.


## GEDAGTES VIR DIE WEEK:

*Kinders is fantastiese mimiëkkunstenaars wat net soos hulle ouers optree ongeag die ouers se pogings om hulle goeie maniere te leer.*

Anoniem

*Jy kan 'n kind dalk 'n les leer, maar as jy hom leer om nuuskierig te wees, sal hy aanhou leer solank hy leef.*

Anoniem



JJ. Pienaar  
SKOOLHOOF  
E-pos: [skoolhoof@lnpark.co.za](mailto:skoolhoof@lnpark.co.za)  
Tel : 0846935318

# ALGEMEEN

## BELANGRIKE DATUMS VIR VOLGENDE WEEK:

Die volgende datums moet u asseblief op u kalender aanteken:

- Ma – 10 Februarie : Klerewinkel: **07:30 – 12:00**  
Krieket: 0/13B teen Grey 0/13 (**Old Grey 2**)  
Krieket: 0/13A teen Frans Conradie (**t**)  
Kuns graad 1 – 2: **13:30-14:30**  
Kuns graad 3: **14:00-15:00**  
Kuns graad 4 – 7: **14:15-15:00**  
Finansiële komiteevergadering **16:30**
- Di – 11 Februarie : Graad 6: Museumuitstappie  
Kindermusiek graad R: **13:00 – 13:30**  
Krieket: 0/9 A+B LNP teen Herbert Hurd (**w**)  
Krieket: 0/11B teen Grey 0/11 (**Old Grey 2**)  
Tennis: Senior A seuns teen Charlo (**t**)  
Tennis: Senior B seuns teen Mount Pleasant A (**w**)  
Tennis: Junior seuns teen Sonop (**w**)  
Kuns graad 1 – 2: **13:30-14:30**  
Kuns graad 3: **14:00-15:00**  
Kuns graad 4 – 7: **14:15-15:00**  
Skaak: graad 1 – 2: **13:30 – 14:15**  
Skaak: graad 3 – 7: **14:20 – 15:15**
- Wo – 12 Februarie : Klerewinkel: **12:00 – 14:30**  
Klas – en enkelfoto's (skoolbaadjie asb.)  
Krieket: 0/13A teen Frans Conradie (**t**)
- Do – 13 Februarie : Graad 7: Museumuitstappie  
Krieket: 0/11A teen Frans Conradie (**t**)  
Tennis: 0/10 dogters teen Collegiate A (**t**)  
Beheerliggaam verkiesing **17:30**
- Vr – 14 Februarie : **VALENTYNSDAG** : gewone klere (Graad 7 fondsinsameling)  
Klerewinkel: **07:30 – 12:00**  
Dance Kids ballet graad R: **9:45**  
Drama graad R – 2: **12:45 – 13:30**  
Drama graad 3 – 7: **12:45 – 13:45**
- Sa – 15 Februarie : Swem: B-Age Group Gala (**NP Swembad**)